

Na osnovu člana 7., stav (1) Uredbe Vlade Kantona Sarajevo o utvrđivanju vlastitih prihoda, načina i rokova raspodjele (Službene novine KS, broj 51/16) i Pravila Javne ustanove “Sarajevski ratni teatar SARTR”, Upravni odbor JU “Sarajevski ratni teatar SARTR” na sjednici održanoj dana 21.11.2022. godine donosi

PRAVILNIK O KORIŠTENJU VLASTITIH PRIHODA

I OPŠTE ODREDBE

Član 1.

(Predmet pravilnika)

Ovim Pravilnikom utvrđuju se vlastiti prihodi, način sticanja i način korištenja vlastitih prihoda u JU “Sarajevski ratni teatar SARTR” (u daljem tekstu Teatar).

Član 2.

(Način uplate vlastitih prihoda)

Uplata i evidencija vlastitih prihoda vrši se u skladu sa Uredbom o utvrđivanju vlastitih prihoda, načina i rokova raspodjele.

Prihodi se uplaćuju na depozitni račun Budžeta Kantona Sarajevo, a mogu se naplaćivati i u gotovini.

Teatar je dužan vlastite prihode ostvarene u gotovini uplatiti na depozitni račun najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.

Član 3.

(Korištenje vlastitih prihoda)

Teatar može ostvarene vlastite prihode koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

II STICANJE VLASTITIH PRIHODA

Član 4.

(Vrste vlastitih prihoda)

Pod vlastitim prihodima u smislu ovog Pravilnika podrazumijevaju se prihodi koje Teatar ostvari od:

1. Realizacije ugovora o poslovno – tehničkoj saradnji za korištenje resursa Teatra u skladu sa Pravilnikom o uslovima sklapanja sporazuma o poslovno – tehničkoj saradnji za korištenje resursa SARTR-a,
2. Tehničke podrške gostujućim teatrima i festivalima koji svoj program realizuju na sceni SARTR-a,
3. Podrške domaćim i internacionalnim nevladinim organizacijama u realizaciji manifestacija iz djelokruga rada tih organizacija,
4. Prodaje štampanih materijala, suvenira i knjiga,
5. Organizacije izložbi, okruglih stolova, promocija i sl,
6. Sponzorstva,
7. Iznajmljivanja opreme,
8. Reklamno - propagandnih usluga.

Član 5.

(Utvrdjivanje cijena i uslova pružanja usluga iz kojih se ostvaruje vlastiti prihod)

Uslove pružanja usluga iz kojih se ostvaruje vlastiti prihod utvrđuje Direktor Teatra a, u skladu sa aktima Teatra.

III PRAĆENJE NAPLATE I RASPODJELA VLASTITIH PRIHODA

Član 6.

(Korištenje vlastitih prihoda)

Na osnovu plana vlastitih prihoda Teatar će planirati i utrošak tih sredstava. Sredstva će se prije svega koristiti za pokriće troškova nastalih realizacijom aktivnosti iz člana 4. ovog Pravilnika. Preostala sredstva će se koristiti za kapitalne izdatke i tekuće potrebe.

Član 7.

(Raspoređivanje vlastitih prihoda)

Teatar će ostvarene i naplaćene vlastite prihode rasporediti na rashode u finansijskim mjesečnim planovima izvršenja budžeta.

Član 8.

(Praćenje dospelosti naplate vlastitih prihoda)

Teatar će redovno pratiti, putem izvještaja koje dobije od Ministarstva finansija, dospelost i naplatu vlastitih prihoda.

IV ZAVRŠNE ODREDBE

Član 9.

(Stupanje na snagu i objava)

Ovaj Pravilnik stupa na snagu danom donošenja uz prethodno dobijeno mišljenje Ministarstva finansija i saglasnost Ministarstva kulture i sporta Kantona Sarajevo.

Pravilnik će se objaviti na web stranici Teatra i oglasnoj tabli Teatra.

Broj: 04-36-07-UO/22

Sarajevo, 21.11.2022. godine

Predsjednik Upravnog odbora

Halil Subašić

